

**Pravila za unutardnevnu raspodjelu  
prenosnih kapaciteta  
na granici između zona trgovanja  
Crnogorskog elektroprenosnog  
sistema AD Podgorica (“CGES”)  
i  
EMS AD Beograd (“EMS”)**

## SADRŽAJ

Definicije .....	4
Odjeljak 1. Uvod.....	7
Član 1.1. Opšte napomene .....	7
Član 1.2. Procedura dodjele prava na unutardnevni kapacitet.....	7
Član 1.3. Opšti aspekti Pravila za unutardnevnu dodjelu kapaciteta.....	8
Odjeljak 2. Opšte odredbe .....	8
Član 2.1. Unutardnevni ATC.....	8
Član 2.2. Objavljivanje relevantnih informacija na internet stranicama CGES-a.....	8
Član 2.3. Specifikacija Unutardnevnog ATC-a.....	8
Član 2.4. Garancija Dodijeljenih unutardnevnih kapaciteta.....	8
Član 2.5. Sekundarno tržište.....	9
Član 2.6. Plaćanja .....	9
Odjeljak 3. Uslovi za učestvovanje .....	9
Član 3.1. Uslovi za registraciju .....	9
Član 3.2. Obavještenje o promjenama.....	10
Odjeljak 4. Isključenje Korisnika .....	10
Odjeljak 5. Aukcijska ID platforma.....	11
Član 5.1 Opšti Uslovi .....	11
Član 5.2 Pristup Aukcijskoj ID platformi.....	11
Odjeljak 6. Procedura za dodjelu unutardnevnog kapaciteta.....	12
Član 6.1. Utvrđivanje i objavljivanje Unutardnevnog ATC-a.....	12
Član 6.2. Dodijela Unutardnevnog ATC-a.....	12
Član 6.3. Obavještenje o rezultatima dodjele kapaciteta.....	13
Odjeljak 7. Korišćenje Dodijeljenog unutardnevnog kapaciteta .....	13
Član 7.1. Nominacija Dodijeljenog unutardnevnog kapaciteta .....	14
Član 7.2. Pravila unutardnevnog usklađivanja .....	14
Odjeljak 8. Otkazivanje procedura unutardnevne dodjele kapaciteta .....	14
Odjeljak 9. Ograničavanje kapaciteta .....	15

Odjeljak 10. Razno .....	15
Član 10.1. Ograničenje odgovornosti .....	15
Član 10.2. Viša sila .....	16
Član 10.3. Očuvanje cjelovitosti .....	16
Član 10.4. Povjerljivost podataka .....	16
Član 10.5. Rok važenja, dopune i izmjene .....	17
Član 10.6. Zakoni koji se primjenjuju i rješavanje sporova .....	17
Član 10.7. Obavještenja .....	17
Član 10.8. Lista aneksa .....	17
Aneks 1. Registracioni obrazac .....	18
Aneks 2. Lista osoba za kontakt .....	20
Aneks 3. Rokovi za unutardnevne procedure .....	22
Aneks 4. Registracija na Aukcijsku ID platformu .....	23

## Definicije

U *Pravilima za unutardnevnu dodjelu kapaciteta* (uključujući anekse i obrasce) pojmovi definisani u ovom odjeljku (što se odnosi i na množinu gdje je to neophodno) imaju značenja navedena u ovom odjeljku (osim ako kontekst ne zahtijeva drugačije).

<b>Aukcijska ID platforma</b>	elektronska web-zasnovana aplikacija (Aukcijska intra-day ID platforma) s ograničenim pristupom kojom upravlja <i>Dodjeljivač prenosnog kapaciteta</i> dostupna na adresi <a href="https://ess.cges.me/External-Scheduling-Client">https://ess.cges.me/External-Scheduling-Client</a> Unutardnevna alokacija koju provodi <i>Dodjeljivač prenosnog kapaciteta</i> vrši se preko <i>Aukcijske ID platforme</i> .
<b>Vanredne situacije</b>	Uslovi i/ili događaji i/ili okolnosti koji na temelju stručne ocjene <i>CGES-a</i> i/ili <i>EMS-a</i> dovode u rizik sigurnost isporuke, snabdijevanja ili prenosa električne energije, ili tehničku sigurnost predmetnog nacionalnog prenosnog sistema, ili njegovog značajnijeg dijela
<b>Viša sila</b>	Uslovi, događaji, ili okolnosti koji su, kao i njihove posljedice, izvan realne kontrole <i>CGES-a</i> ili <i>EMS-a</i> , a koji se ne mogu spriječiti ni prevazići na temelju realnih predviđanja i djelovanja, kao što su (ne ograničavajući se na međunarodne nametnute slobodne tokove električne energije) atmosferske pojave koje nisu mogle biti izbjegnute zbog njihovog uzroka opsega, ili trajanja, zatim, neočekivane ili neizbježne havarije, odnosno, ograničenja rada proizvodnih kapaciteta, ako <i>CGES</i> ili <i>EMS</i> protiv njih mogu preduzeti jedino mjere kojima se ugrožava sigurnost isporuke i snabdijevanja, kao i sve ono što ne može biti riješeno mjerama kojima s tehničke, finansijske ili ekonomske tačke gledišta realno raspoložu <i>CGES</i> ili <i>EMS</i>
<b>Dnevna aukcija</b>	aukcija obavljena u skladu s <i>Pravilima za dnevne aukcije za raspodjelu prenosnih kapaciteta na granici između zona trgovanja Elektromreže Srbije AD Beograd ("EMS") i Crnogorskog operatora prenosnog sistema u Crnoj Gori AD ("CGES")</i>
<b>Dodijeljeni kapacitet</b>	<i>Kapacitet</i> koji je dodijeljen u godišnjim, mjesečnim i dnevnim Aukcijskim procedurama
<b>Dodijeljeni unutardnevni kapacitet</b>	<i>Kapacitet</i> dobijen kao rezultat Aukcijskog postupka koji provodi <i>Dodjeljivač prenosnog kapaciteta</i> u unutardnevnoj Aukcijskoj proceduri na način definisan u odjeljku 6 <i>Procedura za raspodjelu unutardnevnog kapaciteta</i>
<b>Dodjeljivač prenosnog kapaciteta</b>	<i>CGES</i> (u funkciji <i>Dodjeljivača prenosnog kapaciteta</i> ) <i>CGES</i> podliježe svim pravima i odgovornosti koji su dodijeljeni <i>Dodjeljivaču prenosnog kapaciteta</i>

<b>EIC kod</b>	identifikacioni kod za energetske subjekte, koji služi za jasnu identifikaciju subjekata u prekograničnoj razmjeni EIC kodove izdaju lokalne kancelarije za izdavanje, a lista sa izdatim kodovima se objavljuje na ENTSO-E internet stranici <a href="https://www.entsoe.eu/data/energy-identification-codes-eic/eic-approved-codes/">https://www.entsoe.eu/data/energy-identification-codes-eic/eic-approved-codes/</a> .
<b>EMS (EMS AD Beograd)</b>	preduzeće sa sjedištem u Beogradu, Kneza Miloša 11, Srbija koje je registrovano kod Agencije za privredni registar Republike Srbije pod matičnim brojem 20054182
<b>ENTSO-E</b>	udruženje evropskih operatora prenosnih sistema za električnu energiju.
<b>Zahtjev</b>	zahtjev koji <i>Korisnik</i> šalje da bi stekao pravo na <i>Unutardnevni ATC</i>
<b>Identifikacija ugovora o kapacitetu /Capacity Agreement Identification/ (u daljem tekstu "CAI")</b>	oznaka koja na jedinstven način identifikuje <i>Pravo na kapacitet</i> , odnosno pravo na unutardnevni kapacitet
<b>ITR (Interconnection Trade Responsible) / Strana odgovorna za interkonektivnu razmjenu /</b>	učesnik na tržištu koga Operatori prenosnih sistema prepoznaju kao odgovornog za prijavu po Dodijeljenom kapacitetu  On mora biti identifikovan EIC kodom. Sa strane EMS-a, to je učesnik na tržištu sa važećim ugovorom o balansnoj odgovornosti zaključenim sa EMS-om. Sa strane CGES-a, to je pravno lice koje je zaključilo ugovor o balansnoj odgovornosti sa CGES-om i koje se za učešće na aukciji registrovalo kod CGES-a.
<b>Kapacitet</b>	prekogranični prenosni kapacitet u MW
<b>Korisnik</b>	učesnik na tržištu koji ispunjava preduslove za učestvovanje u proceduri dodjele unutardnevnog kapaciteta najmanje jedne od strana ( <i>CGES</i> i <i>EMS</i> ) u skladu sa članom 3.1 ovih <i>Pravila</i>
<b>Metoda prve prijave /First come - First serve method/</b>	metoda dodjele kod koje se <i>Zahtjevi Korisnika</i> do vrijednosti <i>Unutardnevnog ATC-a</i> obrađuju isključivo na temelju vremena njihovog prijema i bez primjene bilo kojih drugih kriterijuma

<b>Nominacija</b>	obaveza <i>Korisnika</i> da obavijesti <i>Operatore prenosnih sistema</i> o svojim <i>Planovima razmjena</i> izraženim kao snaga razmjene u MW koja se kreće do vrijednosti definisane dodijeljenim <i>Pravom na kapacitet</i> , ili koja je jednaka vrijednosti dodijeljenog prava na unutardnevni kapacitet
<b>CGES (Crnogorski elektroprenosni sistem AD – Podgorica)</b>	pravno lice sa registrovanim sjedištem u Podgorici, Bulevar Svetog Petra Cetinjskog br. 18, upisano u Centralni Registar pravnih subjekata Crne Gore pod brojem: 4-0008972.
<b>Nosilac prava na kapacitet</b>	Pravno lice ( <i>Korisnik</i> ) koje je dobilo unutardnevni <i>Kapacitet</i> tokom postupka unutardnevne dodjele kapaciteta
<b>Ograničavanje dodijeljenih kapaciteta</b>	smanjenje <i>Kapaciteta</i> između zona trgovanja <i>EMS-a</i> i <i>CGES-a</i> u slučaju <i>Više sile</i> ili u <i>Vanrednim situacijama</i> kada <i>EMS</i> i <i>CGES</i> moraju hitno djelovati
<b>Operator prenosnog sistema</b>	pravni subjekt odgovoran za rad, održavanje i, ako je potrebno, razvoj prenosnog sistema na određenom području, a, gdje se to može primijeniti, i njegovih interkonekcija s drugim sistemima, kao i za osiguranje dugoročne sposobnosti sistema za ispunjavanje realnih potreba za prenosom električne energije
<b>Operatori prenosnih sistema</b>	operatori prenosnog sistema koji učestvuju u zajedničkoj Aukcijskoj proceduri, tj. <i>CGES</i> i <i>EMS</i>
<b>Plan razmjene</b>	<i>Prekogranična transakcija</i> koju dostavlja <i>Korisnik</i> , u kojoj navodi snagu u MW za svaki sat nekog dana
<b>Pravila za unutardnevnu dodjelu kapaciteta</b>	pravila za unutardnevnu raspodjelu prenosnih kapaciteta na granici zona trgovanja Crnogorskog elektroprenosnog sistema AD Podgorica u Crnoj Gori (“CGES“) i Elektromreže Srbije AD Beograd (“EMS“)
<b>Pravo na kapacitet</b>	pravo ( <i>Korisnika</i> ) da koristi <i>Dodijeljeni kapacitet</i> za prenos električne energije, izražen u MW
<b>Prekogranična transakcija</b>	fizička razmjena električne energije između zona trgovanja <i>EMS-a</i> i <i>CGES-a</i>
<b>Radni dan</b>	kalendarski dani od ponedjeljka do petka, s izuzetkom državnih praznika u Crnoj Gori

<b>Raspoloživi unutardnevni prenosni kapacitet</b> (u daljem tekstu: “Unutardnevni ATC”)	dio neto prenosnog kapaciteta (NTC) koji ostaje raspoloživ nakon dnevne Aukcijske procedure (uzimajući u obzir učinke netiranja na temelju prijave u suprotnom smjeru) i nakon svake faze unutardnevne Aukcijske procedure
<b>SEV</b>	srednjoevropsko vrijeme
<b>Uredba EU 714/2009</b>	Uredba br. Evropskog Parlamenta i Vijeća od 13. jula 2009. godine o Uslovima za pristup mreži za prekogranične razmjene električne energije

## Odjeljak 1. Uvod

### Član 1.1. Opšte napomene

*Pravila za unutardnevnu dodjelu kapaciteta* propisuju rokove i Uslove koji su dogovoreni između *CGES-a* i *EMS-a* u svojstvu *Operatora prenosnog sistema* u njihovim zonama trgovanja, u svrhu dodjele i korišćenja *Unutardnevnog ATC-a* u oba smjera, na granici Crna Gora - Srbija. Dodjela i korišćenje *Unutardnevnog ATC-a* nije komercijalno motivisana aktivnost, već je njen cilj osigurati transparentnu metodu upravljanja zagušenjem.

*Pravila za unutardnevnu dodjelu kapaciteta* uređuju dodjelu i korišćenje *Unutardnevnog ATC-a*.

Unutardnevne procedure opisane u ovim *Pravilima za unutardnevnu dodjelu kapaciteta* su u skladu s važećim pravilima koja se odnose na sigurnost prenosnog sistema i ne utiču na opseg i korišćenje kapaciteta koji je već dodijeljen na godišnjim, mjesečnim i dnevnim aukcijama.

### Član 1.2. Procedura dodjele prava na unutardnevni kapacitet

*Unutardnevni ATC* se dodjeljuje u obliku prava na unutardnevni kapacitet koja su *Nosioci prava na kapacitet* obavezni iskoristiti u punom iznosu. *Unutardnevni ATC* dodjeljuje *Dodjeljivač prenosnog kapaciteta*, po *Metodi prve prijave*, u skladu sa Odjeljkom 6.

U sklopu *Pravila za unutardnevnu dodjelu kapaciteta* *CGES* postupa kao *Dodjeljivač prenosnog kapaciteta* u ime *CGES-a* i *EMS-a*.

*CGES* i/ili *EMS*, bez prethodnog obavještenja, mogu u bilo koje vrijeme obustaviti ili prekinuti postupke raspodjele iz *Pravila za unutardnevnu dodjelu kapaciteta* u slučajevima kao što su npr. oni navedeni u članu 5.1 ili Odjeljku 8.

Sve relevantne informacije u skladu sa članom 2.2 su dostupne na internet stranicama *CGES-a* (<http://www.cges.me/trziste/pravila-za-alokaciju-kapaciteta>).

### **Član 1.3. Opšti aspekti Pravila za unutardnevnu dodjelu kapaciteta**

*Pravila za unutardnevnu dodjelu kapaciteta* opisuju, između ostalog, i uslove koje učesnici na tržištu moraju ispuniti kako bi mogli pristupiti i koristiti *Unutardnevni ATC*. Ograničenje odgovornosti je definisano članom 10.1. *Operatori prenosnih sistema* mogu zajednički mijenjati i dopunjavati *Pravila za unutardnevnu dodjelu kapaciteta* kako bi poboljšali ili razjasnili odredbe i procedure te popunili praznine u skladu sa članom 10.5.

*Pravila za unutardnevnu dodjelu kapaciteta* ne pokrivaju opšte aspekte pristupa prenosnom sistemu u cilju korišćenja dodijeljenih kapaciteta, osim ukoliko to nije drugačije propisano u ostalim odredbama ovih pravila. *CGES* i *EMS* izvršavaju usluge prenosa u skladu sa zakonskim odredbama koje se odnose na pristup prenosnom sistemu u svakoj zoni trgovanja i važećim pravilima o radu *CGES-a* i *EMS-a*.

## **Odjeljak 2. Opšte odredbe**

### **Član 2.1. Unutardnevni ATC**

Metodologija za izračunavanje *Unutardnevnog ATC-a* za granicu Crna Gora - Srbija se zasniva na metodologiji *ENTSO-E* uzimajući u obzir potvrđene planove razmjene po godišnjem, mjesečnom i dnevnom kapacitetu i efekat netiranja.

### **Član 2.2. Objavljivanje relevantnih informacija na internet stranicama CGES-a**

Na internet stranici *CGES-a* : <http://www.cges.me/trziste/pravila-za-alokaciju-kapaciteta> posebno se objavljuju sljedeće informacije:

- a) *Pravila za unutardnevnu dodjelu kapaciteta* (važeća verzija);
- b) imena, brojevi faksa i telefona, adrese elektronske pošte kontakt osoba iz *CGES-a*;
- c) korisnička uputstva za *Aukcijsku ID platformu*;
- d) ostale relevantne informacije.

### **Član 2.3. Specifikacija Unutardnevnog ATC-a**

*Unutardnevni ATC* se nudi kao cjelobrojna vrijednost u MW, s minimalnom vrijednošću od 1 MW. *Unutardnevni ATC* se nudi posebno za svaki sat.

### **Član 2.4. Garancija Dodijeljenih unutardnevnih kapaciteta**

*Unutardnevni ATC* se nudi po čvrstim Uslovima, osim u slučaju ograničavanja u *Vanrednim situacijama* ili zbog *Više sile* nakon preduzimanja svih drugih raspoloživih mjera u skladu s odgovarajućim nacionalnim zakonodavstvom.



U slučaju *Ograničavanja dodijeljenih kapaciteta*, CGES i EMS će umanjiti *Dodijeljeni unutarodnevni kapacitet* u skladu s Odjeljkom 9. *Korisnik* nema pravo na finansijsku naknadu koja se odnosi na *Dodijeljeni unutarodnevni kapacitet*.

## Član 2.5. Sekundarno tržište

Prenos prava ili preprodaja *Dodijeljenog unutarodnevnog kapaciteta* nije moguća.

## Član 2.6. Plaćanja

*Nosilac prava na kapacitet* ne plaća naknadu za rezervaciju ili korišćenje *Dodijeljenog unutarodnevnog kapaciteta*.

# Odjeljak 3. Uslovi za učestvovanje

## Član 3.1. Uslovi za registraciju

Da bi učestvovao u postupku dodjele unutarodnevnog *Kapaciteta* i koristio se *Dodijeljenim unutarodnevnim kapacitetom* koji je proistekao iz tog postupka, učesnik na tržištu mora postupati u skladu sa svim zahtjevima navedenim u *Pravilima za unutarodnevnu dodjelu kapaciteta* te ispuniti sljedeće predulove:

- **na strani CGES-a** – Pravno lice ili preduzetnik, koje je registrovano kod operatora prenosnog sistema i operatora tržišta kao učesnik na tržištu Crne Gore u skladu sa tržišnim pravilima odnosno zaključilo ugovor o balansnoj odgovornosti sa operatorom tržišta i operatorom prenosnog sistema (crnogorski *ITR*)
- **na strani EMS-a** – da je pravno lice ili preduzetnik koji je zaključio ugovor o balansnoj odgovornosti s *EMS-om* (srpski *ITR*).

Lista registrovanih crnogorskih i srpskih *ITR-a* za mjesec M objavljuje se na internet stranicama *CGES-a* (<http://www.cges.me/trziste/pravila-za-alokaciju-kapaciteta>) i *EMS-a* ([www.ems.rs](http://www.ems.rs)) najmanje tri (3) *Radna dana* prije prvog dana mjeseca na koji se obavještenje odnosi.

Učesnik na tržištu je takođe dužan poslati *CGES-u*, koji ima ulogu *Dodjeljivača prenosnog kapaciteta*, tri potpisana primjerka Registracionog obrazaca (vidjeti Aneks 1 koji uključuje i izjavu o prihvatanju *Pravila za unutarodnevnu dodjelu kapaciteta*). Učesnici su obavezni dostaviti izvod iz privrednog registra preduzeća, kao i potvrdu o registraciji poreskog obveznika, samo u slučaju da te dokumente nisu dostavili prilikom procesa registracije za dnevne aukcije. U slučaju promjene podataka dostavljenih u procesu registracije, *Učesnik na aukciji* je u obavezi da dostavi ažurirane verzije navedenih dokumenata.

Tri potpisana primjerka Registracionog obrazaca moraju biti dostavljena *Dodjeljivaču prenosnog kapaciteta* u pismenoj formi, poštom, preko dostavljača/kurira ili lično (vidjeti Aneks 2). Smatraće se da Registracioni obrazac nije podnjet ukoliko je dostavljen faksom ili elektronskom poštom ili

je nepotpun, o čemu će *Dodjeljivač prenosnog kapaciteta* obavijestiti podnosioca, uz navođenje razloga zbog kojih registracija nije izvršena.

*Dodjeljivač prenosnog kapaciteta* može tražiti dopunu informacija dostavljenih u Registracijskim obrazacima i njihovim prilogima u primjerenom roku.

Obavještenje o potvrdi ili neprihvatanju registracije bit će poslana elektronskom poštom na adresu unesenu u Registracijski obrazac.

Učesnik na tržištu je dužan dostaviti sve zahtijevane dokumente najmanje pet (5) *Radnih dana* prije planiranog početka učestvovanja u procedurama za unutardnevnu dodjelu kapaciteta. Ako se ovaj krajnji rok propusti, *Operatori prenosnog sistema* tom učesniku na tržištu ne mogu garantovati učestvovanje u dodjeli kapaciteta.

Registrovani učesnik na tržištu koji ispuni sve Uslove navedene u ovom članu smatra se *Korisnikom*.

### **Član 3.2. Obavještenje o promjenama**

Uslovi za učestvovanje navedeni u *Pravilima za unutardnevnu dodjelu kapaciteta* moraju biti ispunjeni u svakom trenutku prilikom učestvovanja u postupcima za dodjelu unutardnevnih kapaciteta. *Korisnik* je dužan odmah, u pismenoj formi, obavjestiti oba *Operatora prenosnih sistema*, o bilo kakvim promjenama koje utiču na ispunjenje utvrđenih Uslova.

Promjene podataka o kontakt osobama *Korisnika* i izjave *Korisnika* navedene u obrazacima moraju biti dostavljene *Operatorima prenosnih sistema* u pismenoj formi, u roku od sedam (7) dana.

## **Odjeljak 4. Isključenje Korisnika**

Ako bi *Korisnik* na bilo koji način:

1. prekršio *Pravila za unutardnevnu dodjelu kapaciteta* (posebno, bez ograničenja samo na njega, ako krši Odjeljak 6);
2. ponašao se tako da štetno utiče na, ili je prijetnja konkurentnosti u procedurama dodjele unutardnevnog kapaciteta;
3. objavio stečaj, postao nesolventan, ili ako mu se obustavi plaćanje;
4. postane predmet zahtjeva za stečaj, nesolventnost ili obustavu plaćanja, takvog *Korisnika* će, *CGES*, odnosno *EMS*, bez odlaganja isključiti iz procedura za dodjelu unutardnevnih kapaciteta, poslije potvrde drugog *Operatora prenosnog sistema*. *Korisnik* će odmah biti obaviješten o isključenju putem faksa i elektronske pošte.

## Odjeljak 5. Aukcijska ID platforma

### Član 5.1 Opšti Uslovi

*Dodjeljivač prenosnog kapaciteta* će organizovati i provoditi zajedničke dodjele *Unutardnevnog ATC-a* elektronskim putem u korisničkom okruženju *Aukcijske ID platforme*.

*Dodjeljivač prenosnog kapaciteta* će osigurati *Korisnicima* dokumentaciju *Aukcijske ID platforme* (na web stranicama <http://www.cges.me/trziste/pravila-za-alokaciju-kapaciteta>) i operativna uputstva vezana za korišćenje *Aukcijske ID platforme*, kao i *Korisničku* podršku.

*Dodjeljivač prenosnog kapaciteta* zadržava pravo izmjene provođenja poslovnih aktivnosti ili suspendovanja procesa u opravdanim slučajevima, naročito kada nastupe sljedeći tehnički problemi: opšti kolaps interneta, kolaps svih internet veza *Aukcijske ID platforme*, kolaps *Aukcijske ID platforme* (servera, baze podataka ili pojava pogreške u aplikaciji *Aukcijske ID platforme*) ili kolaps sistema za prijavu planova rada.

Svi *Korisnici Aukcijske ID platforme* će bez odlaganja biti obaviješteni o stvarnoj operativnoj situaciji.

Prijem podataka će biti važeći samo ako su podaci prihvaćeni u *Aukcijskoj ID platformi* prije definisanog krajnjeg roka.

Da bi se učestvovalo u *Aukcijskoj proceduri*, potrebno je podnijeti *Zahtjev* preko *Aukcijske ID platforme*. *Zahtjev* koji ne ispunjava neki od *Uslova* navedenih u *Pravilima za unutardnevnu dodjelu kapaciteta* bit će odbijen. *Korisnik* će dobiti poruku sa statusom *Zahtjeva* preko *Aukcijske ID platforme*. *Dodijeljeni unutardnevni kapacitet* ne može biti izmijenjen niti poništen.

### Član 5.2 Pristup Aukcijskoj ID platformi

*Aukcijska ID platforma* je dostupna svim *Korisnicima* koji imaju web pretraživač i korisnički nalog dobijen od *Dodjeljivača prenosnog kapaciteta*. Nije potrebna dodatna instalacija niti modifikacija softvera.

*Aukcijska ID platforma* je dostupna svim *Učesnicima* na aukciji koji imaju korisnički nalog dobijen od *Aukcijske kuće*.

Nakon što se *Korisnik* registruje, na *Aukcijskoj ID platformi* se otvara njegov korisnički nalog. *Korisnik* je dužan dostaviti kompletno popunjen i potpisan zahtjev za registraciju na *Aukcijskoj ID platformi* (vidjeti Aneks 4). Potpisivanjem ovog zahtjeva *Korisnik* prihvata obaveze i pravila ponašanja utvrđena *Pravilima za unutardnevnu dodjelu kapaciteta*. *Zahtjev* mora sadržavati potpune i tačne informacije. *Dodjeljivač prenosnog kapaciteta* će formirati korisnički nalog i lozinku u roku od tri (3) radna dana nakon dobijanja *Zahtjeva* za registraciju na *Aukcijskoj ID platformi*.

Svaki *Korisnik* koji ima korisnički nalog obavještava se o uspostavljanju ili modifikaciji korisničkog naloga putem elektronske pošte na kontakt adresu koja je navedena u zahtjevu. Informacije koje *Dodjeljivač prenosnog kapaciteta* šalje putem elektronske pošte obuhvatit će

ulazni ključ koji se sastoji od korisničkog imena (username) i lozinke (password) kad je reč o novom korisničkom nalogu. *Korisnik* je dužan promijeniti lozinku u toku prvog prijavljivanja.

*Dodjeljivač prenosnog kapaciteta* ima pravo provjeriti informacije navedene u Zahtjevu za registraciju na Aukcijskoj ID platformi koji pošalju potencijalni *Korisnici* i ne otvoriti korisnički nalog u slučaju bilo kakvog neslaganja između navedenih podataka ili postojanja sumnje u njihovu točnost. Ukoliko utvrdi bilo kakva neslaganja *Dodjeljivač prenosnog kapaciteta* ima pravo *Korisniku* onemogućiti pristup *Aukcijskoj ID platformi*.

*Korisnik* je sve informacije koje se odnose na pristup *Aukcijskoj ID platformi* dužan čuvati kao lične i povjerljive i bit će odgovoran za sve izravne, ili neizravne štete koje su rezultat bilo kakavog neovlašćenog otkrivanja takvih informacija. *Dodjeljivač prenosnog kapaciteta* nije odgovoran ni za kakvo neovlašćeno korišćenje korisničkog imena i lozinke.

*Korisnik* ima jedan, jedinstveni ulazni ključ za unutardnevne dodjele kapaciteta.

## **Odjeljak 6. Procedura za dodjelu unutardnevnog kapaciteta**

### **Član 6.1. Utvrđivanje i objavljivanje Unutardnevnog ATC-a**

*CGES* će odrediti *Unutardnevni ATC* u svakom smjeru i za svaki sat, u skladu s metodologijom opisanom u članu 2.1.

Vrijednosti *Unutardnevnog ATC-a* za dan D će biti dostupne na *Aukcijskoj ID platformi* najkasnije u 18:00h (SEV) u danu D-1.

U slučaju dodatnih ograničenja u prenosnim sistemima (koja nisu mogla biti predviđena u vrijeme proračuna mjesečnog NTC-a), vrijednosti *Unutardnevnog ATC-a* se mogu korigovati. *CGES* ima pravo u toku dana izmijeniti *Unutardnevni ATC* na *Aukcijskoj ID platformi*.

*Unutardnevni ATC* za određeni sat se umanjuje za vrijednost već *Dodijeljenog unutardnevnog kapaciteta* za taj sat i objavljuje se na *Aukcijskoj ID platformi*.

### **Član 6.2. Dodijela Unutardnevnog ATC-a**

Samo *Korisnici* koji su se uspješno registrovali i koji su potpuno ispunili Uslove definisane u Odjeljku 3 mogu podnijeti *Zahtjev* za *Unutardnevni ATC*. Podnošenje *Zahtjeva*, kao i preuzimanje rezultata vrši se isključivo preko *Aukcijske ID platforme*.

*Zahtjev* (za dan D) *CGES-u* se dostavlja preko *Aukcijske ID platforme* počevši od 18:00h (SEV) u danu D-1, najkasnije 60 minuta prije početka prvog sata na koji se unutardnevna *Prekogrančna transakcija* odnosi. Minimalni zahtijevani kapacitet je 1 MW, a maksimalni je jednak vrijednosti *Unutardnevnog ATC-a*. U okviru jednog *Zahtjeva*, samo jedna vrijednost kapaciteta može se zahtijevati za jedan smjer i jedan ili više sati u danu D.

### **Član 6.3. Obavještenje o rezultatima dodijele kapaciteta**

*Zahtjev svakog Korisnika će se obraditi u Aukcijskoj ID platformi uz primjenu Metode prve prijave, a Korisnik će preko Aukcijske ID platforme odmah biti obaviješten o rezultatu. U slučaju da je Zahtjev prihvaćen Korisnik će dobiti prava na kapacitet s CAI. CGES i EMS će odmah ovlastiti Korisnika s CAI da upotrijebi pravo na unutardnevni kapacitet (unošenjem prava na unutardnevni kapacitet u sisteme za prijavu planova rada) te omogućiti prijavu planova rada u skladu s lokalnim pravilima.*

Opšte informacije i rezultati o dodijeljenom unutardnevnom kapacitetu za dan D biće dostupni na Aukcijskoj ID platformi najkasnije do 18:00h (SEV) u danu D+1.

## **Odjeljak 7. Korišćenje Dodijeljenog unutardnevnog kapaciteta**

*Nosilac prava na kapacitet i njegov prekogranični partner (u daljem tekstu: partner) ili partneri su obavezni iskoristiti cjelokupni iznos prava na unutardnevni kapacitet. Dodijeljeni unutardnevni kapacitet potrebno je iskoristiti najkasnije 60 minuta nakon dobijanja prava na korišćenje, u protivnom Nosilac prava na kapacitet gubi pravo na dodijeljeni unutardnevni kapacitet. Nosilac prava na kapacitet nominuje Dodijeljeni unutardnevni kapacitet CGES-u i/ili EMS-u koristeći "M:N" načelo za prijavu Planova razmjene. Ovo načelo podrazumijeva da se prijava unutardnevnih Planova razmjene po osnovi Dodijeljenog kapaciteta ostvaruje kroz jednu ili više transakcija po smjeru, s jednim ili više prekograničnih partnera, pri čemu je jedan od učesnika u transakciji uvijek Nosilac prava na kapacitet. U ovom slučaju, Nominovana vrijednost kapaciteta jednaka je pravu na unutardnevni kapacitet dobijenom u toku unutardnevnog procesa za svaki sat i smjer i ova vrijednost u potpunosti odgovara Nominaciji partnera. Ovu obavezu prati i nadzire Dodjeljivač prenosnog kapaciteta.*

*Nosilac prava na kapacitet koji prekrši obavezu korišćenja cjelokupno dodijeljenog kapaciteta tri (3) puta u toku jedne (1) kalendarske godine gubi pravo učestvovanja u raspodjeli unutardnevnog kapaciteta na period od tri (3) mjeseca o čemu ga obavještava Dodjeljivač prenosnog kapaciteta. Smatra se da je obaveza prekršena kada Nosilac prava na kapacitet (ili njegov partner) ne koristi (ili koristi djelimično) dodijeljen kapacitet najmanje jedan (1) sat u razdoblju za koje ga je dobio. Svaki sat u kojem se ne koristi pravo na unutardnevni kapacitet smatra se kršenjem obaveze. Gubitak prava nastupa datumom navedenim u obavještenju, koji može biti najranije dan nakon što Dodjeljivač prenosnog kapaciteta primi zahtjev od Operatora prenosnog sistema.*

*Korišćenje rezervisanih prenosnih Kapaciteta se vrši dostavom Planova razmjene CGES-u i EMS-u, u skladu s propisanim Uslovima za pristup prenosnom sistemu u svakoj zoni trgovanja i s važećim tržišnim pravilima CGES-a i EMS-a.*

## **Član 7.1. Nominacija Dodijeljenog unutar dnevnog kapaciteta**

*Nominaciju unutar dnevnih Planova razmjena vrše Nosilac prava na kapacitet i jedan ili više njegovih partnera kroz postojeće sisteme za prijavu planova razmjena oba Operatora prenosnih sistema, u skladu s lokalnim pravilima.*

*Nominacija mora biti obavljena najmanje 45 (četrdeset pet ) minuta (H-00:45h) prije početka prvog sata (H) za koji je unutar dnevni Plan razmjene nominovan.*

*Nominaciju je potrebno izvršiti kod oba Operatora prenosnih sistema.*

*Ista se pravila i formati podataka koriste za postupak prijavljivanja Planova razmjene kao i kod prijave dnevnih Planova razmjene te planova baziranih na mjesečnim i godišnjim Pravima na kapacitet.*

*Otkazivanje već nominovanih i potvrđenih programa mora biti obavljeno nominacijom u suprotnom smjeru za sate na koje se to otkazivanje odnosi. Ova nominacija treba biti urađena najkasnije 45 minuta prije početka otkazivanja.*

## **Član 7.2. Pravila unutar dnevnog usklađivanja**

*Unutar dnevno se usklađivanje provodi poslije svake dodjele unutar dnevnog kapaciteta i svake nove Nominacije.*

*Usklađivanje između Operatora prenosnih sistema će se vršiti između H-0h 45min i H-0h 30min prije početka prvog sata nominovanih unutar dnevnih Planova razmjena, a potvrda Nominacije će se izvršiti najkasnije u H-0h30min.*

*Usklađivanje se vrši za cijeli dan.*

*Prijavljeni unutar dnevni Plan razmjene može biti potpuno prihvaćen ili odbijen u skladu s rezultatima usklađivanja.*

*U slučaju neslaganja između unutar dnevnih Planova razmjena prijavljenih s obje strane granice, CGES i EMS imaju pravo izmjene i/ili postavljanja niže vrijednosti na prijavljene unutar dnevne Planove razmjena. Ni u kom slučaju CGES i/ili EMS neće biti odgovorni ni za kakav gubitak profita, poslovni gubitak, ili bilo koje druge indirektno, sporedno, posebne ili posljedične štete.*

## **Odjeljak 8. Otkazivanje procedura unutar dnevne dodjele kapaciteta**

*U slučaju Vanredne situacije ili Više sile, nakon što, u skladu s nacionalnim zakonodavstvom, CGES i EMS preduzmu sve raspoložive mjere, Dodjeljivač prenosnog kapaciteta može otkazati unutar dnevnu dodjelu kapaciteta ili umanjiti vrijednosti Unutar dnevnog ATC-a. U tim slučajevima vrijednosti Unutar dnevnog ATC-a za odgovarajuće sate se odmah postavljaju na 0 ili drugu dogovorenu vrijednost. Unutar dnevni ATC ostaje nepromijenjen dok se oba Operatora prenosnih*

*sistema* ne dogovore da povuku otkazivanje unutarodnevnog procedure ili smanjenje *Unutardnevnog ATC-a*.

Procedura unutarodnevnog dodjele kapaciteta može se otkazati ili prekinuti zbog ozbiljnih poremećaja u funkcioniranju interneta, *Aukcijske ID platforme* i ostalih informacijskih sistema koje *CGES* ili *EMS* koriste u unutarodnevnom procesu te neće biti finansijske kompenzacije prema *Nosilacu prava na kapacitet* predviđene u slučaju nemogućnosti korišćenja dodijeljenog kapaciteta.

U slučaju navedenih okolnosti, *CGES* će o tome sve *Korisnike*, ako je to moguće, obavijestiti informacijom na svojim internet stranicama.

## **Odjeljak 9. Ograničavanje kapaciteta**

U slučajevima *Ograničavanja dodijeljenih kapaciteta*, koristi se sljedeći redosljed smanjenja kapaciteta:

1. *Kapacitet* dodjeljen u unutarodnevnoj dodjeli kapaciteta;
2. *Kapacitet* dodijeljen u dnevnoj aukciji;
3. *Kapacitet* obećan i dodijeljen u mjesečnoj aukciji;
4. *Kapacitet* obećan i dodijeljen u godišnjoj aukciji;

U okviru svake od gore navedenih grupa *Kapaciteta*, koristit će se proporcionalno smanjenje, pri čemu će se smanjeni kapacitet zaokružiti na nižu cjelobrojnu vrijednost u MW.

*CGES* i/ili *EMS* su dužni da *Nosilaca prava na kapacitet* na koga ovo utiče i njegovog partnera odmah obavijestiti o smanjenju.

*Nosilac prava na kapacitet* nema pravo na finansijsku naknadu za smanjenje kapaciteta koji mu je dodijeljen u postupku dodjele unutarodnevnog kapaciteta.

## **Odjeljak 10. Razno**

### **Član 10.1. Ograničenje odgovornosti**

*Operatori prenosnih sistema*, bilo zajedno ili odvojeno, neće biti odgovorni *Nosilacu prava na kapacitet* ni za kakve štete nastale zbog njegovog učestvovanja ili njegove nemogućnosti učestvovanja u postupku dodjele unutarodnevnog *Kapaciteta*. *Nosilac prava na kapacitet* oslobađa odgovornosti *Operatore prenosnih sistema*, solidarno i pojedinačno, u vezi s potraživanjima trećih lica povezanim s takvim štetama. Ni *CGES* ni *EMS*, ni u kom slučaju, neće biti odgovorni za mogući gubitak profita, poslovni gubitak, niti za bilo koje druge indirektno, sporedno, posebne ili posljedične štete.

*CGES* i *EMS* se obavezuju da izvršavaju odredbe *Pravila za unutarnevnu dodjelu kapaciteta* profesionalno kao poslovni subjekti i operatori zone trgovanja, u skladu s *Uredbom EU* te zakonima i propisima koje su donijeli nadležni organi Crne Gore i Srbije.

### **Član 10.2. Viša sila**

*CGES* ili *EMS* neće se smatrati odgovornim za neizvršenje, pogrešno izvršenje, ili kašnjenje izvršenja obaveza proisteklih iz *Pravila za unutarnevnu dodjelu kapaciteta*, u mjeri u kojoj su takvo neizvršenje, pogrešno izvršenje ili kašnjenje izvršenja obaveza nastalih zbog okolnosti na koje strana koja ima obaveze nije mogla uticati (uključujući, ali ne ograničavajući se na, *Višu silu*) i za koje relevantna strana nije odgovorna, odnosno, okolnosti koje ne mogu biti riješene mjerama koje *CGES* ili *EMS* s tehničke, finansijske ili ekonomske tačke gledišta realno mogu preduzeti.

### **Član 10.3. Očuvanje cjelovitosti**

Bez obzira na posebne odredbe koje se nalaze u *Pravilima za unutarnevnu dodjelu kapaciteta*, nikakva izmjena ugovora između *CGES-a* ili *EMS-a* s jedne strane i *Korisnika* s druge strane, ne može biti izvršena ako je *CGES* i *EMS* nisu potvrdili, izvršili i u pismenoj formi dostavili putem faksa ili elektronske pošte. Ako bilo koji dio *Pravila za unutarnevnu dodjelu kapaciteta* ili njihovih Aneksa postane nevažeći, nezakonit, ili neizvršiv, preostali dijelovi moraju i dalje ostati na snazi i primjenjivati se te na njih to ne bi trebalo uticati. Bilo koji nevažeći, nezakoniti, ili neizvršivi dio, ili odredbe moraju biti zamijenjeni važećim, zakonitim i primjenljivim dijelovima ili odredbama, da bi što je moguće prije i bolje bio ostvaren namjeravani ekonomski i pravni učinak.

### **Član 10.4. Povjerljivost podataka**

Tokom rada po osnovi *Pravila za unutarnevnu dodjelu kapaciteta*, *CGES* ili *EMS* i s njima povezana lica mogu primiti ili imati pristup povjerljivim podacima *Korisnika*. Povjerljivi podaci obuhvaćaju sve informacije dostavljene u pismenoj formi koje su označene kao "Povjerljive", ali i informacije u nekoj drugoj formi, ako je lice kojoj su takve informacije date, prije ili prilikom otkrivanja tih informacija, bilo predloženo da je riječ o povjerljivim podacima. *CGES* i *EMS* su saglasni da se povjerljivi podaci čuvaju i da ih ne otkrivaju bez prethodne saglasnosti *Korisnika*, odnosno da povjerljive podatke, bilo u kojoj formi, ne stave na raspolaganje nekom trećem licu ili da povjerljive podatke ne upotrijebe u bilo kakve svrhe koje nisu u vezi s odredbama *Pravila za unutarnevnu dodjelu kapaciteta*, osim po nalogu državnih organa.

Odredbe ovog člana neće se primjenjivati na podatke otkrivene *CGES-u* ili *EMS-u*, ako su:

- prije otkrivanja, ti podaci bili poznati u javnosti, ili ako poslije otkrivanja postanu poznati javnosti, ali ne pogreškom *CGES-a* i *EMS-a*,
- prije otkrivanja već bili poznati *CGES-u* i *EMS-u*,



- poslije otkrivanja, iste podatke primili *CGES* i *EMS* od trećeg lica koja prema *Korisniku* nema obavezu čuvanja tajnosti tih podataka.

### **Član 10.5. Rok važenja, dopune i izmjene**

*Pravila za unutardnevnu dodjelu kapaciteta* stupaju na snagu nakon odobrenja od strane nadležnih regulatornih tijela, a primjenjuju se za dodjelu kapaciteta za 2023. godinu i nadalje u oba smjera na granici Crna Gora – Srbija.

O bilo kakvim dopunama i izmjenama *Pravila za unutardnevnu dodjelu kapaciteta Korisnici* moraju biti obaviješteni tako što će na internet stranicama *CGES-a* i *EMS-a* biti objavljena odgovarajuća nova verzija ovih pravila. Takva obavještenja moraju sadržati informaciju o člancima koji su dopunjeni ili izmijenjeni i datum kada nova verzija *Pravila za unutardnevnu dodjelu kapaciteta* stupa na snagu. Osim ukoliko se to ne navede u odgovarajućoj novoj verziji *Pravila za unutardnevnu dodjelu kapaciteta*, u pravilu, nije potrebna nikakva nova registracija i *Korisnici* prihvataju nova *Pravila za unutardnevnu dodjelu kapaciteta* daljnjim učestvovanjem u postupku dodjele unutardnevnih *Kapaciteta*.

### **Član 10.6. Zakoni koji se primjenjuju i rješavanje sporova**

Svi sporovi između *CGES-a* i *Korisnika* koji proisteknu iz ovih *Pravila za unutardnevnu dodjelu kapaciteta* rješavat će se isključivo po zakonima Crne Gore.

### **Član 10.7. Obavještenja**

Osim gdje to nije drugačije predviđeno, *Pravilima za unutardnevnu dodjelu kapaciteta*, bilo koja obavještenja izdata na temelju *Pravila za unutardnevnu dodjelu kapaciteta* mora biti u pismenoj formi i upućena na adrese navedene u Aneksu 2.

### **Član 10.8. Lista aneksa**

Aneks 1	Registracioni obrazac
Aneks 2	Lista osoba za kontakt
Aneks 3	Rokovi za unutardnevne procedure
Aneks 4	Registracija na Aukcijsku ID platformu

Aneksi 1-4 čine sastavni dio ovih pravila.

## Aneks 1. Registracioni obrazac

Registracioni obrazac za učestvovanje u postupku dodjele unutardnevnog kapaciteta na granici Crna Gora - Srbija

<b>Naziv kompanije/preduzetnika</b>	
<b>EIC-kod</b>	
<b>Adresa, zemlja</b>	
<b>Broj iz privrednog registra</b>	
<b>Ime i prezime ovlašćenog predstavnika</b>	
<b>PDV broj</b>	
<b>ID broj / PIB</b>	
<b>E-mail adresa</b>	
<b>Telefon br.</b>	
<b>Faks br.</b>	

Ovim izjavljujemo da namjeravamo učestvovati u postupku dodjele unutardnevnog kapaciteta na granici Crna Gora - Srbija. Ispunjavamo sve Uslove za učestvovanje propisane *Pravilima za unutardnevnu dodjelu kapaciteta*. Pročitali smo i u potpunosti prihvatamo sve obaveze u skladu s odredbama i informacijsko-tehnološkim Uslovima propisanim *Pravilima za unutardnevnu dodjelu kapaciteta* koja su objavljena na internet stranicama *Operatora prenosnih sistema* te se obavezujemo da ćemo postupati u skladu s njima.

Potvrđujemo da se prihvatanje našeg učestvovanja u postupku unutardnevne raspodjele kapaciteta može povući ukoliko se prekrše odredbe iz *Pravila za unutardnevnu dodjelu kapaciteta*.

Za učesnika na tržištu

Datum: \_\_\_\_\_

\_\_\_\_\_  
Potpis

*Crnogorski elektroprenosni sistem AD Podgorica* daje saglasnost na Registracioni obrazac i zavodi ovaj obrazac pod registracionim brojem: \_\_\_\_\_

Za CGES

Datum: \_\_\_\_\_

\_\_\_\_\_  
Potpis

## **Dodatak 1 Aneksa**

### **Lista ovlaštenih predstavnika Korisnika**

*Korisnik* imenuje sljedeće osobe kao ovlaštene za postupanje u ime *Korisnika*:

- za potpisivanje Registracionog obrasca

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>E-mail</b>

- za dostavu *Zahtjeva za Unutardnevni ATC Dodjeljivaču prenosnog kapaciteta*

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>E-mail</b>

## Aneks 2. Lista osoba za kontakt

**Registracijske obrasce** (videti Aneks 1) *Učesnici na tržištu* moraju dostaviti *Dodjeljivaču prenosnog kapaciteta* na sljedeću adresu:

**Crnogorski elektroprenosni sistem AD Podgorica**

**NDC**

**Bul. Svetog Petra Cetinjskog 18**

**20000 Podgorica**

**Crna Gora**

Za lične dostave na gore navedenu adresu, Arhiva radi *Radnim danima* od 09:00 do 14:00h (SEV).

Potvrda koju izda Arhiva *Aukcijske kuće* potvrđuje samo datum i vrijeme prijema dokumenta, a ne da li je dokument ispravan i kompletan.

*Korisnici* se za ostala pitanja mogu obratiti *Dodjeljivaču prenosnog kapaciteta* preko sljedećih osoba za kontakt:

### Pravila za unutardnevnu dodjelu kapaciteta

Ime i prezime	Broj telefona	Adresa elektronske pošte	Broj faksa
Biljana Ivanović	+382 20 407 622	<a href="mailto:biljana.ivanovic@cges.me">biljana.ivanovic@cges.me</a>	+382 20 225 962
Mirjana Božović Glogovac	+382 20 414 762	<a href="mailto:mirjana.glogovac@cges.me">mirjana.glogovac@cges.me</a>	
Nikola Vidović	+382 20 416 806	<a href="mailto:nikola.vidovic@cges.me">nikola.vidovic@cges.me</a>	

### Registracija *Korisnika*

Ime i prezime	Broj telefona	Adresa elektronske pošte	Broj faksa
Biljana Ivanović	+382 20 407 622	<a href="mailto:biljana.ivanovic@cges.me">biljana.ivanovic@cges.me</a>	+382 20 225 962
Mirjana Božović Glogovac	+382 20 414 762	<a href="mailto:mirjana.glogovac@cges.me">mirjana.glogovac@cges.me</a>	
Nikola Vidović	+382 20 416 806	<a href="mailto:nikola.vidovic@cges.me">nikola.vidovic@cges.me</a>	

**Pitanja u vezi s postupkom unutardnevne raspodjele *Kapaciteta* (00:00-24:00)**

	<b>Telefon br.</b>	<b>e-mail</b>	<b>Faks br.</b>
Služba za operativno upravljanje	+382 20 407 624 +382 20 407 625	<a href="mailto:dispecer@cges.me">dispecer@cges.me</a>	+382 20 201 427

### Aneks 3. Rokovi za unutardnevne procedure

Vremenski redosljed za svaki sat unutardnevnog procesa opisan je u sljedećoj tablici (H je unutardnevni sat dana D)

<b>Unutardnevni period</b>	<b>00:00-24:00</b>	<b>01:00-24:00</b>	<b>02:00-24:00</b>	<b>.....</b>	<b>23:00-24:00</b>
<i>Unutardnevni ATC je dostupan na Aukcijskoj ID platformi (Napomena: stalno se ažurira )</i>	18:00 (D-1)	18:00 (D-1)	18:00 (D-1)		18:00 (D-1)
Vrijeme za dostavljanje <i>Zahteva</i> (T)	18:00 (D-1)- 23:00 (D-1)	18:00 (D-1)- 00:00 (D-1)	18:00 (D-1)- 01:00	.....	18:00 (D-1)- 22:00
Vrijeme za <i>Nominaciju</i>	T+60min	T+60min	T+60min	.....	T+60min
Potvrda konačnih <i>Nominacija</i> srpskog i crnogorskog <i>ITRa</i>	23:35 (D-1)	00:35	01:35	.....	22:35
Objava rezultata dodjele unutardnevnih kapaciteta	18:00 (D+1)	18:00 (D+1)	18:00 (D+1)		18:00 (D+1)

Informacioni sistemi koji *Operatori prenosnih sistema* koriste u unutardnevnom procesu nisu raspoloživi u razdoblju od 23:50 do 00:10.

## Aneks 4. Registracija na Aukcijsku ID platformu

### Učesnik na tržištu

<b>Puni naziv:</b>	
<b>EIC kod:</b>	
<b>Ovlašćena osoba:</b>	

Učesnik na tržištu zahtijeva:

- postavku (*setup*)
- modifikaciju
- brisanje

korisničkog naloga na Aukcijskoj ID platformi za sljedećeg korisnika:

### Korisnik

<b>Ime i prezime:</b>		
<b>Elektronička adresa:</b>		
<b>Telefon:</b>		
	<b>Šalje</b>	<b>Prima</b>

Na temelju pravila za dodjelu kapaciteta, čiji je sadržaj poznat gore navedenom korisniku, korisnik je ovlašten za obavljanje operacija na Aukcijskoj ID platformi u skladu s pravima korisnika i u tom slučaju zastupa gore navedenog učesnika na tržištu.

Informacije za prijavljivanje (korisničko ime i lozinka) bit će poslani korisniku na gore navedenu elektroničku adresu (e-mail), a on je prilikom prvog prijavljivanja obavezan promijeniti lozinku.

Datum \_\_\_\_\_

\_\_\_\_\_  
Ovlašćena osoba učesnika na tržištu

\_\_\_\_\_  
Korisnik